

桐江續集

假

江

證

集

二

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

謄錄監生臣龔輝遠

欽定四庫全書

桐江續集卷三

元方回撰

行圃

小圃無亭榭心閒地自寬
好花書壁記怪樹畫圖看
雪少先誇瑞霜嚴諱說寒
貪噴除已盡唯要不癡難

細省

細省浮生理宜令寸地寬
老兼無病少閒欲不貧難
遠極山逾好晴初雪更寒
聚奎幾卿相誰解勝陳搏

晚望

萬事何堪挽江流日夜東年華三戒後心緒四愁中待
雪登危阜觀星仰暗空夜寒天地黑幾室有爐紅

贈滕君必紹

併序

滕君之先公武子嘉熙戊戌入太學寶祐癸丑
對集英不及於祿嘗相遇餘杭之旅舍見予所
為新筍小松詩句擊節賞之今三十餘年有子
來訪感歎往事寄情于言

之子有名父何蕃
合比肩虞庠驚脫穎
孔壁妙忘筌
高第放楓宸
長身掩薤阡
師亡鄉黨惜人往
歲時遷達宦誰無死
遺文爾獨傳
客郵曾旅進
邑子例垂憐
衮語推真幅
締詞激懦篇
善人宜有後
一見欲潜然

夏商

牛下悲哀甯戚謳
捐湯置禹此何由
父初傳子風差薄
臣至于君德轉輜
歸啟舊家猶幾在
升陟衆旅已相讐
何人得似彭鏗壽
見夏為殷復見周

周

七月陳王致太平轉頭已聽黍離聲陪臣僭上三歸備
霸國邀君九鼎輕釋氏談空端有理詞人賦恨豈無情
燠年寒歲頻更換未抵黃河一度清

太公孔子

提身涉世謾多憂運去時來不自由孔子三千難變魯
太公八十尚興周星辰歲久常差度江海潮生會倒流
萬有盈虧理如是可須慳作醉鄉遊

漢

燈前閒覆孟堅書瞬息炎劉四百餘五聚井星才屬爾
一抔陵土竟何如早誇發縱輕烹狗終藉吞舟失漏魚
若使高皇為晉獻可須莽卓始丘墟

東晉

魏收撰元魏書目東晉為僭晉宋以下
為島夷世稱穢史故不得不與之辨

劉琨勸進豈無聞王猛臨終亦有云穢史汝能誣正統
老傖誰實蒞餘分山陰禊事流觴帖彭澤歸來植杖文
二物萬年終不泯可能草木張吾軍

陳

倏忽還如晉滅吳六朝宮殿永榛蕪
千嬌玉座酣醺醪一命青絲繫轆轤
早使閣中無貴嬪未應闕下有蠻奴
他時月夜逢楊廣衣鉢相傳不早無

唐明皇

突虎衝蛇獻荔枝冰皺霧瘴覆全師
豔妃有弟堪為相叛將無君憎不知
嗣后已成靈武篡舊臣空復曲江思
太平可似花開易羯鼓三聲喚得來

南唐

中原赤氣已龍興
豈必橋江罪若冰
花不忍看春哭后
金何曾惜歲齋僧
失身亡國非無痛
保士全民尚可矜
復遇大梁愛文藝
餘臣往往與瀛登

長安

客從函谷過南州
畧說長安舊日愁
仙隱有峰存紫閣
僧居無寺問紅樓
蘭亭古瘞藏狐貉
椒壁遺基牧馬牛
萬古不隨人事改
獨餘清渭向東流

半山

力引豺狼噬九州
獯郎於世果何讐
青苗法令初為祟
玉斧封疆半已休
紹聖南行多不返
靖康北狩欲誰尤
兒時曾讀前朝史
幾夜寒燈見淚流

老悔

前世何知後世長
老年合悔少年狂
即今安在凌煙閣
畢竟無非審雨堂
脚底東西南北路
樽前三萬六千場
謫仙落魄人誰識
終許詩名死後香

傍觀

老檜長松玉立身雪摧霜挫不爭春但須處士杯中物
可用明公壁後人自審詩肩無骨相或稱書眼尚精神
南山射虎非吾事亦復傍觀野水濱

烏聊山廟登覽

寒齋兀兀味殘書一上崔嵬計未疎下界喧卑離市井
平臯灑落見樵漁斷鴻淮漢三江外古樹隋唐五代餘
忽憶浮溪偃王句顧瞻遺廟意躊躇

大雪約程以忠不至次日以詩問之

禦寒時著火文武等醉豈拘杯聖賢土潤春應萌有日
塵清野更潔於天誰呵凍筆詩能畫獨上高崗意欲仙
剝有籬根未消處試哀枯篠取茶煎

雪霽次韻以忠見和

霽色寒光滉詩眼謝家舊賦果誰賢無聲忽訝潮包地
不夜常疑月在天溪上過橋僧似畫樓頭把酒妓如仙
老夫幸有瓶筌在更掃空堦落葉煎

雪後小園

紙色光新聳壞櫺
復聲鬆脆兀閒庭
飢禽啐砌留竒迹
枯樹擎空失醜形
早與花根添麴蘖
可容畫手著丹青
溪西凍瀑融晴滴
欲問巖僧借淨瓶

次韻雪後

簷澌餘滴濺風櫺
三日晴猶剩半庭
足使蝗蝻俱屏迹
未妨鶯燕尚潛形
調鹽凍字難為墨
透瓦炊煙漸放青
共笑愛梅癡老子
夜深溫水換銅瓶

甲申元日

春光幾度九十日人壽都虛一百年老圃地寬花富貴
醉鄉天闊酒神仙誰能晚節消閒福時喜新詩得警聯
曉色欲紅拜元造爐熏一炷鵲聲前

正月初七日如江西以畏飲辭吳式賢宅宿向果
市店

殘雪西郊路依稀已似春初程何必遠相識况如親久
遠交宜淡沉綿飲戒醇故辭情話友擬便穩眠身販旅

駢荒店蠻音酤近鄰霰穿疎瓦亂風掠破巾頻倦馬噴
醒嚏頑雞絕凍呻謾誇為客慣却憶在家貧老嫗言堪
取諸奴意勿嗔近來軍過後少有早行人

雨過巖寺鎮

凍凇滑如油前驅雨未休轉添行路惡始覺別家愁早
市漁翁聚靈祠嶽鬼幽憇鞍寓吾目有句亦堪搜

茅田汪王廟

茅田亦
曰臨河

殿閣猶如許兵戈豈不無終然香火在直與子孫俱緒